

**ხელშეკრულება**  
სარეკლამო მომსახურების შესახებ N 92

07.12.2015

შპს „საქართველოს ლატარიის კომპანია“, ს/კ 204568208, წარმოდგენილი მისი გენერალური დირექტორის ლევან ჩიკვაიძის სახით (შემდგომში „შემკვეთი“) და შპს „მედია სერვისი“, ს/ნ 405041342, წარმოდგენილი მისი დირექტორის თამარ აბესაძის სახით, (შემდგომში „შემსრულებელი“), შემკვეთი და შემსრულებელი ცალ-ცალკე მოხსენიებულნი არიან, როგორც „მხარე“, ხოლო ერთად, როგორც „მხარეები“. მხარეები ვმოქმედებთ რა საქართველოში მოქმედი კანონმდებლობით, შევთანხმდით შემდეგზე:

### **მუხლი 1. ხელშეკრულების საგანი**

წინამდებარე ხელშეკრულებით შემსრულებელი კისრულობს ვალდებულებას შესაბამისი ანაზღაურების სანაცვლოდ, 2015 წლის 08/12/2015-დან 09/01/2016-მდე გაავრცელოს რადიო „უცნობში“ (შემდგომში „რადიო“), „შემკვეთის“ სარეკლამო მასალა. (CPV კოდი: 79341400)

„შემკვეთის“ სარეკლამო მასალა რადიოში გავრცელდება შემდგენაირად:

- „სიახლე რადიო უცნობის ეთერში“ სიახლის გაშუქება დღის მანძილზე 8-ჯერ.
- სარეკლამო რგოლი-დღის მაძილზე 3-ჯერ.

გასავრცელებელი რეკლამის დროები დეტალურად შეთანხმდება მედია გეგმის შესაბამისად, რომელიც დაერთვება ხელშეკრულებას დანართის სახით.

### **მუხლი 2. განცხადებები და გარანტიები**

2.1. მხარეები აცხადებენ და გარანტიას იძლევიან, რომ:

2.1.1. შემსრულებელი წარმოადგენს რადიო „უცნობის“ მთლიანი სარეკლამო დროის ექსკლუზიურ გამკარგავს და მას გააჩინა აღნიშნული სარეკლამო დროის ექსკლუზიურად გაყიდვის უფლება.

2.1.2. შემკვეთი აცხადებს, რომ მისი მხრიდან რეკლამის მიზანია მისი მომსახურების და პროდუქციის რეკლამირება და რომ მას აკმაყოფილებს შემსრულებლის მიერ შემოთავაზებული პირობები.

2.1.3. მხარეებს გააჩნიათ იურიდიული უფლებამოსილება იკისრონ ამ ხელშეკრულებით გათვალისწინებული ვალდებულებები და მიიღონ ყველა საჭირო ზომა ამ ხელშეკრულების ძალაში შესვლისა და შესრულების მიზნით.

2.1.4. ეს ხელშეკრულება ხელმოწერილი იქნა შესაბამისი წესით მხარეების (მათი წარმომადგენლების) მიერ და წარმოადგენს მხარეებისთვის იურიდიულად სავალდებულო დოკუმენტს.

### **მუხლი 3. ხელშეკრულების მოქმედების ვადა**

- 3.1. ხელშეკრულების მოქმედება იწყება 2015 წლის 8 დეკემბერს და ძალაშია 2016 წლის 31 იანვრამდე.
- 3.2. ხელშეკრულების მოქმედების ვადა შეიძლება შეიცვალოს მხოლოდ მხარეების წერილობითი თანხმობით.

### **მუხლი 4. ხელშეკრულების ფასი**

- 4.1. ამ ხელშეკრულების მოქმედების ვადის განმავლობაში სარეკლამო მომსახურების ღირებულება განისაზღვრება დამკვეთის მიერ მითითებული რეკლამის გავრცელებისათვის 700 (შვიდასი) ლარით, დღგ-ს ჩათვლით.
- 4.2. ხელშეკრულების ფასის გადახდა ხორციელდება უნაღდო ანგარშსწორების სახით, შემსრულებლის მიერ მითითებულ ანგარიშზე ჩარცხვის გზით.
- 4.3 სარეკლამო მომსახურების გაწევის დასრულების შესახებ მხარეთა შორის გაფორმდება მომსახურების მიღება-ჩაბარების აქტი, რომელსაც დაადასტურებენ მხარეთა უფლებამოსილი პირები. შემკვეთის მხრიდან მიღება-ჩაბარაების აქტზე ხელმომწერ უფლებამოსილ პირს წარმოადგენს - ანა იასეშვილი.
- 4.4. ხელშეკრულების ფასის გადახდა ხორციელდება მიღება-ჩაბარების აქტის საფუძველზე, მისი ხელმოწერიდან 5 (ხუთი) საბანკო დღის ვადაში.

### **მუხლი 5. მხარეთა უფლება-მოვალეობები**

#### **5.1. შემსრულებლის უფლება-მოვალეობები:**

- 5.1.1. იმ შემთხვევაში, თუ შემსრულებელი გაყიდის, გააჩუქებს ან სხვაგვარად გადასცემს რადიოს სარეკლამო დროის განკარგვის უფლებას სხვა პირს, იგი ვალდებულია ასეთი გადაცემის აქტში შეიტანოს შესაბამისი პუნქტი, რომელიც მოიცავს ამ ხელშეკრულების ყველა აუცილებელ პირობას, რაც იმას უნდა ნიშნავდეს, რომ ამ ხელშეკრულების მოქმედების ვადის მანძილზე აქ მოცემული შეთანხმებები მოქმედებს სრულად.
- 5.1.2. შემსრულებელი პასუხს აგებს რეკლამის შესახებ საქართველოს კანონმდებლობის დარღვევისათვის იმ ნაწილში, რომელიც ეხება რეკლამის გავრცელების დროს, ადგილს ან საშუალებას.
- 5.1.3. შემსრულებელი ვალდებულია 05 (ხუთი) დღით ადრე აცნობოს შემკვეთს რეკლამის გავრცელების შეფერხების თაობაზე და თუ ასეთი რეკლამა არ გავრცელდა შემკვეთის მიზეზით, იგი ვალდებულია სრულად გაავრცელოს ასეთი რეკლამა, რაც გამოიწვევს ხელშეკრულების ვადის ცვლილებას.
- 5.1.4. შემსრულებელს უფლება აქვს მოითხოვოს ხელშეკრულებით განსაზღვრულ ვადაში მომსახურების ფასის დროულად გადახდა.
- 5.1.5. შემსრულებელი ვალდებულია შეინახოს სარეკლამო მასალა ან მათი ასლები, მათში შემდგომში შეტანილი ყველა ცვლილებებით, რეკლამის უკანასკნელად გავრცელების დღიდან 02 (ორი) თვის განმავლობაში, ხოლო თუ სარეკლამო მასალა სადავო გახდა - შესაბამისი ორგანოების მიერ ამ დავის გადაწყვეტამდე.
- 5.1.6. შემსრულებელი ვალდებულია მოითხოვოს ამ ხელშეკრულებით გათვალისწინებული პირობების დაცვა.

## 5.2. შემკვეთის უფლება-მოვალეობები:

5.2.1. შემკვეთი ვალდებულია გადაიხადოს ამ ხელშეკრულებით გათვალისწინებული მომსახურების ფასი დათქმულ ვადაში.

5.2.2. შემკვეთი ვალდებულია ხელშეკრულების ხელის მოწერიდან 5 (ხუთი) დღის განმავლობაში დაადასტუროს შემსრულებლის მიერ შეთავაზებული სარეკლამო რგოლებიდან ერთ-ერთი ან თავად მიაწოდოს სარეკლამო რგოლი.

5.2.3. შემსრულებლის წერილობითი თანხმობის გარეშე შემკვეთს უფლება არა აქვს თავისი უფლება-მოვალეობები გადასცეს მესამე პირს და მოითხოვოს სხვა ფირმის რეკლამის გავრცელება.

5.2.4. შემკვეთი პასუხს აგებს რეკლამის შესახებ საქართველოს კანონმდებლობის დარღვევისთვის წარდგენილი რეკლამის შინაარსზე, თუ არ დამტკიცდა, რომ ეს დარღვევა მოხდა მწარმოებლის ან გამავრცელებლის მიზეზით.

5.2.5. შემკვეთს უფლება აქვს მოითხოვოს ხარისხიანი რეკლამის გავრცელება და ხელშეკრულების სხვა პირობების დაცვა.

## მუხლი 6. მხარეთა პასუხისმგებლობა.

6.1. მხარეთა მიერ ხელშეკრულების პირობების ბრალეულად დარღვევის შემთხვევაში, დამრღვევი მხარე ვალდებულია აუნაზღაუროს მეორე მხარეს ასეთი მოქმედებით მიყენებული ზიანი.

6.2 ხელშეკრულებით ნაკისრი ვალდებულებების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტებლოს გადახდა, ყოველ ვადაგადაცილებულ დღეზე ხელშეკრულების ღრებულების 0.5%-ის ოდენობით.

## მუხლი 7. მარეგულირებელი კანონმდებლობა და დავების გადაწყვეტის წესი

7.1. ეს ხელშეკრულება და მისგან გამომდინარე მხარეთა უფლება-მოვალეობები რეგულირდება საქართველოს კანონმდებლობით.

7.2. მხარეთა შორის წამოჭრილი ყველა სადაცო საკითხი გადაწყდება ურთიერთმოლაპარაკების გზით, ხოლო შეთანხმების მიუღწევლობის შემთხვევაში, სასამართლოს მიერ.

## მუხლი 8. სხვა პირობები

8.1. ეს ხელშეკრულება ძალაში შედის მხარეთა მიერ მისი ხელმოწერის მომენტიდან და მოქმედებს ხელშეკრულებაში მითითებული ვადის ამოწურვამდე.

8.2. ამ ხელშეკრულების ყველა დამატება და ცვლილება ძალაშია, თუ იგი შესრულებულია წერილობით და ხელმოწერილია მხარის მიერ.

8.3. ამ ხელშეკრულებით გათვალისწინებული ყველა უფლება-მოვალეობა ვრცელდება ორივე მხარის უფლებამონაცვლებზე.

8.4. ეს ხელშეკრულება წარმოადგენს მხარეთა შორის არსებულ სრულ შეთანხმებასა და მორიგებას.

8.5. ამ ხელშეკრულების რომელიმე პუნქტის შეცვლა, მოდიფიცირება, უარყოფა, გაუქმება ან შეწყვეტა არ იქონიებს გავლენას მხარეების მიერ ამ ხელშეკრულებით ნაკისრი სხვა მოვალეობების შესრულებაზე.

8.6. თუ ხელშეკრულების მოქმედების ვადის განმავლობაში რომელიმე დებულება კანონის საფუძველზე მიიჩნევა ძალადაკარგულად, ამგვარი ძალადაკარგულობა გავლენას არ იქონიებს ამ ხელშეკრულების სხვა ნებისმიერი დებულების იურიდიულ ძალასა ან კანონიერებაზე.

8.7. ამ ხელშეკრულებასთან დაკავშირებული ნებისმიერი შეტყობინება და კომუნიკაცია უნდა მოხდეს წერილობით. წერილობით შეტყობინება გაგზავნილ უნდა იქნეს შესაბამის მხარესთან ფოსტით და ადრესატს უნდა ჩაბარდეს წინამდებარე ხელშეკრულებაში მითითებულ მისამართზე, ხოლო ელექტრონული წერილის გაგზავნის შემთხვევაში წინამდებარე ხელშეკრულებაში მითითებულ ელექტრონულ მისამართზე.

8.8. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთა თითო-თითო ეგზემპლარი გადაეცემათ მხარეებს.

### მხარეთა რეკვიზიტები და ხელმოწერები:

<b>შემკვეთი:</b>  შპს „საქართველოს ლატარიის კომპანია“ ს/კ: 204568208  მის.: ქ. თბილისი, ჭავჭავაძის გამზ. #34 ფაქტ. მის.: ქ. თბილისი, მელიქიშვილის #16  ს.ს. „ლიბერთი ბანკი“ ბანკის კოდი: LBRTGE22 ა/ა: GE28LB0113121375356003  <b>დირექტორი:</b> ლევან ჩიკვაიძე	<b>შემსრულებელი:</b>  შპს „მედია სერვისი“ ს/კ: 405041342  იურ.მის: ქ.თბილისი, რომის ქ. N 14 ფაქტ. მის: ქ.თბილისი, კოსტავას ქ. N68  ს.ს. „საქართველოს ბანკი“ ბანკის კოდი: BAGAGE22 ა/ა: GE57BG0000000815365100  <b>დირექტორი:</b> თამარ აბესაძე
--	---





ԵՐԵՎԱՆԻ ՏՐԱՎԵՐՏԻ

2010  
2009  
2008  
2007  
2006

100

